

Na osnovu člana 104. Stav 1. al. 11. i 15. Zakona o zdravstvenom osiguranju ("Službene novine Federacije Bosne i Hercegovine", br. 30/97, 07/02, 70/08, 48/11 i 36/18), člana 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj:69/05) i člana 8. stav 6. Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH“, br. 04/23, 26/23 i 99/23 - u daljem tekstu:Pravilnik o obimu prava na biomedicinski potpomognutu oplodnju ), Upravni odbor Zavoda zdravstvenog osiguranja i reosiguranja Federacije Bosne i Hercegovine, na sjednici održanoj dana, 28.12.2023.godine, donosi

**ODLUKU**  
**O IZMJENI I DOPUNAMA ODLUKE O FINANCIRANJU/SUFINANCIRANJU TROŠKOVA**  
**LIJEKOVA ZA STIMULACIJU OVULACIJE**

**I**

1. U Odluci o financiranju/sufinanciranju troškova lijekova za stimulaciju ovulacije, broj:02/I-01-1-2877/23 od 26.06.2023.godine,u preambuli, riječi i brojevi , u zagradi: („Službene novine Federacije BiH“, br. 04/23 i 26/23)“ zamjenjuju se riječima i brojevima u zagradi:(„Službene novine Federacije BiH“, br. 04/23, 26/23 i 99/23)“.
2. U članu 7. iza stava (1) dodaje se novi stav (2), koji glasi :  
„Izuzetno od prethodnog stava, a saglasno članu 11a. stav (2) Pravilnika o obimu prava na biomedicinski potpomognutu oplodnju, lica/podnosioci zahtjeva koja su liječena BMPO bez saglasnosti Komisije za BMPO Federalnog zavoda, imaju pravo na naknadu troškova iz sredstava budžeta Federacije i to naknadu troškova predmetnog liječenja, naknadu troškova za lijekove za stimulaciju ovulacije koji su registrovani i naknadu troškova za lijekove za stimulaciju ovulacije koji su neregistrovani, na način detaljno preciziran navedenim članom predmetnog Pravilnika,a po kriterijima/uslovima, obimu načinu i postupku propisanim odredbama Odluke o financiranju/sufinanciranju odnosno naknadi troškova liječenja BMPO (biomedicinski potpomognutom oplodnjom) i lijekova za stimulaciju ovulacije, bez saglasnosti komisije za BMPO Federalnog zavoda.“
3. Iza člana 14. dodaje se novi član 14a. koji glasi:  
„Član 14a.  
Ova Odluka se primjenjuje na zahtjeve za financiranju/sufinanciranju troškova lijekova za stimulaciju ovulacije, za lica koja su liječena BMPO na osnovu izdate saglasnosti Komisije za BMPO Federalnog zavoda.

Za ostale zahtjeve koji su podneseni odnosno koji se odnose za financiranje/sufinanciranje odnosno za nadoknadu troškova liječenja biomedicinski potpomognutom oplodnjom i za financiranje/sufinanciranje odnosno za nadoknadu troškova lijekova za stimulaciju ovulacije, za lica koja su liječena BMPO bez saglasnosti Komisije za BMPO Federalnog zavoda, primjenjuje se Odluka o financiranju/sufinanciranju odnosno naknadi troškova liječenja BMPO (biomedicinski potpomognutom oplodnjom) i lijekova za stimulaciju ovulacije, bez saglasnosti komisije za BMPO Federalnog zavoda.“

**II**

*Ove izmjene i dopune, iz tačke I, su sastavni dio Odluke o financiranju/sufinanciranju troškova lijekova za stimulaciju ovulacije.*

**III**

*Ova Odluka stupa na snagu danom donošenja.*

*Broj: 02/I-01-1-5836-1/23  
Sarajevo, 28.12.2023. godine*



*Predsjednica U.O.*

*Snežana Bodnaruk, dipl.iur*

## Obrazloženje

### I-Pravni osnov

Pravni osnov za donošenje ove Odluke sadržan je u u odredbi člana 104. Zakona o zdravstvenom osiguranju te članu 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj:69/05) kojim je propisano da Upravni odbor Federalnog zavoda odlučuje o određenim pitanjima saglasno svojim nadležnostima te, između ostalog i „raspoređuje sredstva federalne solidarnosti po utvrđenim namjenama " i „donosi druge akte neophodne za poslovanje federalnog fonda solidarnosti" odnosno „vrši i druge poslove za koje je ovlašten zakonom, podzakonskim, općim i drugim aktima".

Takođe pravni osnov za donošenje ove Odluke sadržan je u u odredbi člana 8. stav 6. Pravilnika o obimu prava na biomedicinski potpomognutu oplodnju kojom je, između ostalog, propisano da troškove lijekova za stimulaciju ovulacije finansira/sufinansira, ovlaštenoj zdravstvenoj ustanovi ili podnosiocu zahtjeva, Federalni zavod.

### II- Razlozi donošenja

Navedenim izmjenama izvršeno je usklađivanje brojeva službenih glasnika sa novim objavljenim izmjenama Pravilnika o obimu prava na biomedicinski potpomognutu oplodnju, a koje je objavljeno Službenim novinama Federacije BiH te je izvršeno i usklađivanje sa tim izmjenama pojedinih članova ove Odluke odnosno izvršena je dopuna istih novim stavovima (novi stav (2) člana 7.)

Naime u odredbi člana 11.a Pravilnika o obimu prava na biomedicinski potpomognutu oplodnju je, između ostalog, propisano da lica/podnosioci zahtjeva koja su liječena BMPO bez saglasnosti Komisije za BMPO Federalnog zavoda nemaju prava na nadoknadu troškova liječenja iz sredstava budžeta Federacije BiH te nemaju pravo ni na dodjelu finansijskih sredstava za finansiranje/sufinansiranje odnosno naknadu troškova lijekova za stimulaciju ovulacije (primjenjuje se na zahtjeve koji ne ispunjavaju uslove za primjenu uzuetka u odnosu na navedeno) te je propisan novim stavom (2) člana 11.a i izuzetak u odnosu na navedeno odnosno propisano je kada odnosno pod kojim uslovima lica/podnosioci zahtjeva koja su liječena BMPO bez saglasnosti Komisije za BMPO Federalnog zavoda, imaju pravo na naknadu troškova iz sredstava budžeta Federacije i to naknadu predmetnog liječenja, naknadu troškova za lijekove za stimulaciju ovulacije koji su registrovani i naknadu troškova za lijekove za stimulaciju ovulacije koji su neregistrovani.

Takođe, obzirom da su kriteriji/uslovi, obim načinu i postupak propisanim ovom odlukom, za lica koja su liječena BMPO na osnovu saglasnosti Komisije za BMPO Federalnog zavoda, drugačiji u odnosu na kriterije/uslove, obim način i postupak propisane Odluke o financiranju/sufinanciranju odnosno naknadi troškova liječenja BMPO (biomedicinski potpomognutom oplodnjom) i lijekova za stimulaciju ovulacije, bez saglasnosti komisije za BMPO Federalnog zavoda. koja se, kako navedeno, odnosi za lica koja su liječena BMPO bez saglasnosti Komisije za BMPO Federalnog zavoda, izvršena je, u prelaznim odredbama (član 14a.) jasna distinkcija odnosno razlučivanje u kojim slučajevima se primjenjuje jedna odluka, a u kojim druga odluka.

### **III- Obrazloženje pravnih rješenja**

*U tački I 1. ove Odluke ,precizirano je da se Odluci o financiranju/sufinanciranju troškova lijekova za stimulaciju ovulacije, ,u preambuli, riječi i brojevi , u zagradi: („Službene novine Federacije BiH“, br. 04/23 i 26/23)“ zamjenjuju se riječima i brojevima u zagradi:(„Službene novine Federacije BiH“, br. 04/23 , 26/23 i 99/23)“ .*

*U tački I 2. ove Odluke ,precizirano je da se u članu 7. iza stava (1) dodaje se novi stav (2), koji glasi kakao je navedeno u ovoj tački.*

*U tački I 3. ove Odluke ,precizirano je da se iza člana 14. dodaje se novi član 14a. koji glasi, koji glasi kako je navedeno u ovoj tački.*

*U tački II ove Odluke, precizirano je da su ove izmjene i dopune, iz tačke I, sastavni dio Odluke o financiranju/sufinanciranju troškova lijekova za stimulaciju ovulacije .*

*U tački III ove Odluke , precizirano je da ova Odluka stupa na snagu danom donošenja.*

### **IV Finansijska sredstva**

*Za realizaciju ove Odluke finansijska sredstva, se obezbjeđuju iz sredstava budžeta Federacije, na osnovu Odluke Vlade Federacije Bosne i Hercegovine o usvajanju „Transfera Vlade Federacije Bosne i Hercegovine za finansiranje biomedicinski potpomognute oplodnje“,saglasno, utvrđenom finansijskom Federalnog zavoda za fiskalnu godinu.*